



Ráðhús Reykjavíkur  
Borgarráð

***Efni: Rekstrarleyfi fyrir leikskólann Mánagarð***

Á fundi skóla- og frístundaráðs þann 21. ágúst 2018 var lagt fram minnisblað sviðsstjóra skóla- og frístundasviðs, dags. 24. júlí 2018, um aukið rekstrarleyfi leikskólans Mánagarðs ásamt drögum að rekstrarleyfi fyrir leikskólann Mánagarð.

Rekstrarleyfi fyrir Félagsstofnun stúdenta vegna Mánagarðs samþykkt með fyrirvara um endanlega úttekt og samþykki heilbrigðis-, vinnu- og eldvarnareftirlits um að húsnæði og lóð séu í samræmi við lög um leikskóla og reglugerð um starfsumhverfi leikskóla.

Framangreindu er hér með vísað til borgarráðs.

Virðingarfyllt

Helgi Grímsson

sviðsstjóri skóla-frístundasvið

Hjálagt:  
Minnisblað sviðsstjóra, dags. 24. júlí 2018  
Drög að rekstrarleyfi



Reykjavíkurborg  
Skóla- og frístundasvið

Reykjavík, 24. júlí 2018  
SFS2015030161  
142. fundur  
HG/img

## MINNISBLAÐ

**Viðtakandi:** Skóla- og frístundaráð

**Sendandi:** Helgi Grímsson, sviðsstjóri skóla- og frístundasviðs

---

### *Efni: Ósk um aukið rekstrarleyfi leikskólans Mánagarðs*

Fyrir liggur samþykkt skóla- og frístundaráðs frá 21. júní 2017 og síðar borgarráðs 29. júní 2017 um fjölgun barna í leikskólann Mánagarð þegar húsnæði leikskólans uppfyllir skilyrði til nýs rekstrarleyfis.

Í samþykkt skóla- og frístundaráðs og borgarráðs frá 29. júní 2017 er gert ráð fyrir 60 barna fjölgun í leikskólann Mánagarði úr 68 börnum í 128 börn og var sviðsstjóra skóla- og frístundasviðs falið að gera viðauka við núverandi samning um framlag þegar skilyrðum um útgáfu nýs rekstrarleyfis er fullnægt. Kostnaður við greiðslu framlags vegna 60 reykvískra barna til Félagsstofnunar stúdenta vegna Mánagarðs er áætlaður á ársgrundvelli kr. 136.848.000

Ósk um afgreiðslu á nýju rekstrarleyfi liggur nú fyrir. Félagsstofnun stúdenta uppfyllir kröfur til samræmis við reglur Reykjavíkurborgar um leyfi til reksturs leikskóla til reksturs leikskólans Mánagarðs og að þar verði 128 börn að því undanskyldu að ekki liggur fyrir endanleg úttekt og samþykki heilbrigðis-, vinnu- og eldvarnareftirlits. Vegna þessa er lagt til að rekstrarleyfi verði samþykkt með fyrirvara um samþykki framangreindra aðila.

## Rekstrarleyfi fyrir leikskólann Mánagarð

Með vísun til 25. gr. laga nr. 90/2008 um leikskóla og reglur Reykjavíkurborgar um leyfi til reksturs leikskóla veitir skóla- og frístundaráð Reykjavíkurborgar hér með Félagsstofnun stúdenta kt. 540169-6249 leyfi til að reka leikskólann Mánagarð.

Fyrir liggja teikningar af húsnæði leikskólans að Eggertsgötu 34 í Reykjavík. Veitt er heimild til að reka leikskóla í húsnæðinu fyrir allt að 128 börn á aldrinum 18 mánaða til 6 ára.

Vottorð liggur fyrir frá Vinnueftirliti ríkisins og heilbrigðiseftirliti Reykjavíkur um að húsnæðið uppfylli þær kröfur sem gerðar eru til starfseminnar.

Við leikskólann skal starfa leikskólastjóri, sem hefur starfsheitið leikskólakennari og hefur annað hvort viðbótarmenntun í stjórnun eða kennslureynslu á leikskólastigi.

Við ráðningu annarra starfsmanna leikskólans skal gætt ákvæða laga nr. 87/2008 um að í 2/3 hluta stöðugilda við kennslu, umönnun og uppeldi barna séu ráðnir leikskólakennarar.

Rekstraraðila ber að láta alla starfsmenn leikskólans undirrita yfirlýsingu um að þeir muni gæta þagmælsku um hagi barna og foreldra þeirra sem þeir fá vitneskju um í starfi sínu og leynt skulu fara samkvæmt lögum, fyrirmælum yfirmanna þeirra og eðli máls.

Þjónustumiðstöð Vesturbæjar, Miðborgar og Hlíða veitir leikskólanum sérfræðiþjónustu, sbr. reglugerð nr. 584/2010 með síðari breytingum, um sérfræðiþjónustu leik- og grunnskóla.

Leikskólastjóra er skylt að endurskoða skólanámskrá reglulega og leggja hana fyrir skóla- og frístundaráð til staðfestingar. Skólanámskrá leikskólans er frá árinu 2015.

Starfsáætlun ber að skila árlega samkvæmt nánari ákvörðun skóla- og frístundaráðs.

Leikskólanum er skylt að meta með reglubundnum hætti gæði leikskólastarfsins á grundvelli 17. gr. laga nr. 90/2008 um leikskóla og reglugerð nr. 893/2009 um mat og eftirlit í leikskólum og eftirlitsskyldur sveitarstjórna um skólahald. Upplýsingar um matið ber leikskólanum að birta opinberlega ásamt tengslum þess við skólanámskrá og áætlanir um umbætur.

Skóla- og frístundasvið Reykjavíkurborgar framkvæmir ytra mat og hefur eftirlit með leikskólanum. Ber leikskólanum að láta skóla- og frístundasviði í té gögn um innra mat sitt ásamt öðrum upplýsingum sem eru nauðsynlegar vegna ytra mats og eftirlits.

Uppfylli leikskólinn ekki ofangreind skilyrði getur skóla- og frístundaráð afturkallað rekstrarleyfið, ef rekstraraðili bregst ekki við athugasemdum innan tilskilins frests.

Reykjavík, x.x 2018

---

Helgi Grímsson, sviðsstjóri skóla- og frístundasviðs Reykjavíkurborgar.